



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlm XLIII. Quisquis.

[urn:nbn:de:hbz:466:1-62559](#)

tum, aut consuetudo omnium præsentiam exigat. Quia de re DD. in c. 1. de his quæ sunt à maiore parte Capituli, Abb. super hoc c. n. 4. Syl. loco supra cit. dicto 3.

CAPITVLVM XLIII.

Quisquis.

PARAPHRASIS.

Si quis per abusum potestatis secularis contra ecclesiasticam libertatem electus, consensum dare præsumperit, eius electio ipso iure irrita est; & electus ineligibilis redditur; ita ut ad nullam dignitatem ecclesiasticam absque dispensatione eligi possit. Qui autem talem electionem celebrare præsumperint, ab officijs & beneficijs penitus suspendi debent per triennium; insuper eligendi pro ea vice facultate priuati existunt. Ita Innoc. III. statuit in Concil. generali Lateranensi, cap. 25.

SUMMARIUM.

1. *Electio facta per abusum secularis potestatis est contra ecclesiasticam libertatem, ipsòque iure irrita.*
2. *Tunc autem contingit talis abusus, quando laicus cum auctoritate se immiscet electioni, ita ut libertatem clericorum, ad quos propriè spectat electio, impeditat.*
3. *Et locus est huic constitutioni, licet laicus id agat vi consuetudinis immemorialis, modo ea non habeat formam annexam accepti priuilegij Apostolici.*
4. *Consentiens electioni de se facta per abusum laica potestatis, caret commodo electionis, & efficitur ineligibilis ad dignitatem.*
5. *Et hac pena inhabilitatis est lata sententia.*
6. *Dispensabilis tamen est hac inhabilitas non tantum à Papa, sed etiam ab Episcopo, aut simili potestate predito.*
7. *Acceptans electionem in casu huic c., non fit inhabilis ad beneficia curata, &*

8. *alia beneficia, quæ dignitates non sunt, pœnam hanc inhabilitatis incurunt, qui ecclesiasticam dignitatem ex collatione persona laica acceperunt, ut promoueri deinde ad eandem vel aliam absque dispensatione non possint.*
9. *Presumentes eligere cum abuso seculari potestatis, eligendi iunc priuatis sunt potestate, & ab officijs & beneficijs per triennium suspendi debent.*
10. *Si Capitulares ob merum grauem consentiant, ut per abusum secularis potestatis celebretur, pœnam huius c. non incurunt.*
11. *Talis tamen electio ipso iure irritat.*
12. *Et Capitulares, si temerè electionem talis consentiant, ipsò iure etiam provocante priuati sunt eligendi potestate.*

NO T A N D V M I. *Electio quæ sit per abusum secularis potestatis, ecclesiastice libertati repugnat, ipsòque iure irrita est. Ita hic, & videri potest Concil. Trident. sess. 25. cap. 20. de reform. vbi contra eos agitur, qui ecclesiasticam libertatem ledunt.*

Q uæ s t i o prima. *Quid sit electionem fieri per abusum potestatis secularis? De hoc videri potest Gl. hic ver. abusum. Innoc. prope finem, Abb. n. 4. Anton. n. 10. Suarez de censur. disp. 31. lect. 3. suspensi. 10. Respondeo autem: Tunc contingere eum abusum, si laicus cum auctoritate se immiscat electioni, ita ut libertatem clericorum, ad quos propriè electio spectat, quomodounque impedit, iuxta c. cùm terra 14. c. sc. crofaneta 5. c. Massana 56. hoc tit.*

Q uæ s t i o secunda. *Quid si laica potestas id agat vi consuetudinis immemorialis, habetne locum huius c. constitutio? Affirmat recte Abbas hic n. 4. Quia mera consuetudo, quantocunque tempore durat, non potest laicos habilitare ad spiritualia, prout docet Joann. Andr. in c. 2. de prab. in 6. & sumitur ex cit. c. Massana, ex quo etiam constat, talem non posse dici consuetudinem, sed potius abusum & corruptelam. Dixi autem de mera consuetudine, quia si consuetudo immemorialis etiam habeat se-*

man

mam accepti privilegij Apostolici , licet id ob temporis diuturnitatem exhiberi nequeat , non potest quidem causam praescribendi dare , ob incapacitatem subiecti , potest tamen efficere bonam fidem , vt in tali casu penali huic constitutioni locus non esse videatur : Nam quod ex titulo aliquatenus colorato , & cum bona fide agitur , non potest dici abusus .

4. NOTANDVM II. Si quispiam electio-
ni de se facta per abusum laicæ potestatis
contentire præsumperit , caret commodo e-
lectionis , & ineligibilis fit , nec absque dis-
pensatione ad aliquam dignitatem eligi po-
telt . Sensus est quod consensu in electio-
nem nihil ei proflit ; & si noua electio insti-
tutur , ipse electionis incapax fit ; sed nec ad
alium quamcumque dignitatem , sine dispen-
satione , assumi possit .

Ques*tio* prima. Num hæc inhabi-
litatis causa sit late sententia , an ferenda ?
Videri potest hoc posterius esse dicendum ,
propter verbum *ineligibilis fiat* , videlicet in
futurum . Sed contrarium recte docuit Gl.
hic communiter recepta , ver. fiat ; ipso facto
incurri inhabilitatem . Ad rationem dubi-
tandi respondeatur cum ead . Gl. & Anton . hic
n . 12 . vbi ait , doctrinam illam , quod verba
significantia in futurum inducant penam
sententia ferenda , limitari debet , nisi alia
verba præcedant , aut sequantur , ex quibus
contrarium colligi possit ; prout hic imme-
diata sequitur , nec absque dispensatione &c .
Sensus itaque verborum esse debet , si quis
electioni de se contra libertatem ecclesiasti-
cam facta , consentire præsumperit , ipso fa-
cio ineligibilis fiat . Et ita docuit Baldus
bicon . 3 .

Ques*tio* secunda. Quisnam in ho-
c casu luper inhabilitate dispensare possit ?
Respondeo , quod non tantum Papa , sed et-
iam Episcopus , aut simili potestate prædi-
cus dispensare sive habilitare possit . Ita do-
cer Gl . hic ver. fiat . Innocent . n . 1 . Imola n .
4 . Abb . n . 8 . Felin . in c . at si clerici , § . De a-
dulterijs , n . 2 . de iudicij ; et si contrarium
videatur sentire Anton . hic n . 13 . propterea
quod constitutio hæc sit Concilij generalis .

in qua Episcopus non dispensat . Sed pro-
batur id , quod dixi argum . c . nuper 29 . de
sent . excomm . & ex doctrina Gl . in c . In qui-
busdam 12 . ver . dispensatum , de penis ; Si in
canone permittente dispensationem , non ex-
primatur , quis dispensare possit , ad Episco-
pum pertinere : Alioquin enim frustra ad-
iijcerentur ea verba , cum constet , Pontificem
dispensare posse . Ad hunc tamen discur-
sum respondentis apud Anton . cit . loco ,
verba huiusmodi , *nisi dispensetur , non fru-*
stra adiici , tametsi dicamus solum Papam
dispensare posse ; quia is faciliter dispensabit ;
nec opus erit tunc literis adiici clausulam ,
Non obstante Concilio generali . Et hæc sen-
tentia probabilis quidem est , sed prior com-
munior & probabilius : Si enim mens cano-
nis esset dispensationem Pontificiam exci-
pere velle , eam ita expressisset : *Nec absque*
dispensatione Apostolice Sedi &c .

Ques*tio* tertia. Num acceptans elec-
tionem in casu huius c . inhabilis etiam fiat
ad beneficia curata , & alia beneficia , quæ
dignitates non sunt ? Responso deberet esse
negatiuia ; *Quia legem penalem extendere*
non oportet ultra verba , quæ in ea expressa
sunt : Canon autem iste clarè exprimit , ut
ita electus ad dignitatem eligi non possit .
Quamuis contrarium docuerit Abbas anti-
quus hic in fine c . Licet talis ad canonica-
tum promoueri possit ; quia canonicatus et
iam ecclesiae Cathedralis inter dignitates
non numeratur ; non tamen posse promouer-
ri ad curam animarum , seu ecclesiam paro-
chialem ; quia ea dignitati æquiparatur , c .
dudum 54 . infra hoc tit . Sed respondeatur ;
Licet beneficium curatum æquiparetur di-
gnitati aut personati quoad pluralitatem ,
vt ibi , & in c . de multa 28 . de præbi non ta-
men in alijs .

Ques*tio* quarta. Vtrum poena hæc 8
inabilitatis incurrit etiam ab ijs , qui
ecclesiasticam dignitatem ex collatione per-
sonæ laicæ acceperunt ? Ita affirmat Gl . hic
in c . si quis deinceps 12 . ver . interdicimus
in fine ; causa 16 . q . 7 . Capella Tholosana q .
484 . Abb . hic n . 2 . Felin . in c . postulasti n .
15 . de rescriptis , Azor tom . 2 . lib . 3 . cap . 50 .

q . 5 .

q. 5. Contrarium docet P. Suarez cit. sect. 3. n. 13. Quia textus c. specialiter loquitur de acceptante electionem per abusum secularis potestatis factam. Ergo non debet extendi ad alios castos in materia penali. Veruntamen arbitrari licet, ante hanc constitutionem sacris canonibus & ecclesiastica praxi receptum fuisse, ut qui prelaturam aut dignitatem ecclesiasticam de manu laici acciperet, in penam criminis, tum eius quam accepit, tum alterius incapax esset, praeterquam si cum eo dispensaretur: alioquin Concilium non tam confidenter id statuisset de acceptante electionem; nisi idem locum haberet in acceptante collationem. Et habemus huius rei indicum in cit. c. si quis deinceps, & in e. si episcopus 14. c. si quis Clericus 16. ead. q. 7. Accedit, quod plures casus sunt, in quibus etiam in materia penali ob identitatem vel majoritatem rationis extensio fieri debet, videlicet si alioquin absurditas sequatur: aut si duo spectato eodem fine & effectu in iure equiparata sint; aut inter se subordinata, tanquam perfectum & imperfectum, prout docui in lib. 1. Theol. moral. tr. 4. cap. 18. n. 10. eaque ad hunc casum non incongrue applicari possunt. Respondeo itaque & Dico ad questionem:

¶ Eum qui à manu potestatis laicæ ecclesiasticae dignitatem recipit, inhabilem reddi, ut promoueri deinde ad eandem vel aliam non possit absque dispensatione, argum. huius c. accedente communi DD. sententiâ. Exinde sequitur, quod si talis, qui per abusum laicæ potestatis electionem acceptauit, non praecedente dispensatione à Superiori confirmationem accipiat, titulum non consequatur; quia electio, quæ non subsistit, non confirmatur, prout tradit Felinus in c. postulasti n. 15. de rescript. Deinde si per laicæ potestatis abusum quispiam prelaturam, aut dignitatem assecutus est, postea vero à Superiori ecclesiastico eandem obtinere velit, quod debeat inhabilitatem, quam contraxit, explicare, vitium quoque intrusionis, si administrationi se ingesserat, prout Abb. hic tradit n. 2. Felin. cit. n. 15. Capella cit. q. 484.

NOTANDVM III. Qui electionem cum abusum secularis potestatis celebrare presumunt, (cum electio irrita sit) eligendi tunc facultate priuati sunt; insuper officijs & beneficijs per triennium suspendi debent.

QVÆSTIO prima: Si Capitulares ob metum grauem consentiant, ut electio per abusum secularis potestatis, siue personis laicis auctoritatem sibi in actu electionis usurpatibus, celebretur, penam huius can. incurvant? Responso est negatiu, secundum Baldum h̄c n. 2. & 3. Suarez cit. sect. 3. n. 14. alios communiter. Nam verbum presumptionis positum in textu huius c. temeritatem significat, quam iustus seu probabilis metus tollit: Similiterque, si Electores probabili persuasione ducantur, rati, tale ius laico per priuilegium competere, licet reuerà non competit.

QVÆSTIO secunda. Vtrum electio, quæ per abusum potestatis secularis celebratur, Electoribus non ex temeritate, sed graui metu consentientibus, nihilominus irrita sit ipso iure? Affirmari debet, quia universim & indistinctè prohibetur in textu, ne electioni per abusum secularis potestatis de se factæ aliquis consentiat; alioquin penas incurrat: Sin autem electio valida esset, non prohiberetur electus, antequam rescinderetur, acceptare. Ratio dari debet: Quia electio huiusmodi porrius in odium laicorum se immiscentium, quam Electorum consentientium, hoc in can. infirmata est. Videri debent quæ dicam in c. Massana 36. hoc tit.

QVÆSTIO tercia. Num Capitulares, qui electioni temere in hoc casu coalentur, ipso iure priuati sint pro ea vice? Arbitror esse affirmandum, cum Gl. in prima respon. in qua tamen ipsa non persistit, sed sequitur Abbas antiquus h̄c in fine c. & Suarez cit. sect. 3. n. 12. in fine, ait esse indubitatum. Probatur autem haec sententia primò ex c. cum in cunctis 7. 9. Clerici hoc tit. vbi id loquendi modus habetur, eligendi in te potestate priuatos, quæ vocula in te ab omnibus explicatur, ut idem sit, quod p. 14. v. 1. ibid.

imò ab ipso Pontifice Innoc. III. in c. cùm Vintoniensis 25. hoc tit. qui & illius & huic. Auctor est. Secundò probatur ex verbis huius c. in quo veluti ratio redditur, cur Capitulares pro ea vice electionem aliam celebrare non possint, quippe ipso iure priuati: quia prior illa, quæ per abusum potesta-
tis secularis facta, irrita est.

Contrarium tamen docet Gl. cit. in altera responsa quam sequitur Abb. hic in fine c. esse hanc poenam sententiæ ferendæ. Cùm enim dictum est, Electores per triennium suspen-
dendos esse ab officiis & beneficiis, conse-
quenter debent esse tunc, id est, pro eo trien-
niū tempore priuati. Alioquin argumenta-
tur Gl. tantum pro vna vice priuati essent,
reliquo suspensionis suæ tempore eligere
potent, quod absurdum est. Respondeo ad
objet absurdum istud non sequi. Quia du-
plicem penam Concilium his transgressor-
ibus interrevolut, vnata, vt ipso iure priuati
essent eligendi potestate pro ea vice: Alte-
ram, vnam postea per sententiam suspen-
dantur officijs & beneficijs. Ex sententia
autem Gl. sequeretur, quod Capitulares, qui
consentiendo in abusum electionis per im-
pressions potestatis laicæ peccarunt, priu-
giā per sententiam Iudicis priuati essent,
aliam electionem canonicae instituere pos-
sent: Id verò minus conueniens, & alienum
à mente Concilij videtur: quia decens est, vt
in eo puniantur, in quo peccauerunt.

CAPITVLVM XLIV.

Nihil.

PARAPHRASIS.

Cùm nihil sit, quod Ecclesiæ Dei magis offi-
ciat, quām si indigni Prælati ad regimen
animarum assumantur, ideo in Concilio
Lateran. sub Innoc. III. Papa c. 26. decre-
tum est, vt, si quis ad regimen animarum
electus fuerit, is, ad quem confirmatio
spectat, cùm electionis processum, tum
personam electam diligenter examinet.
Si secus fuerit incaute præsumptum, nō

solum deiiciendus est ita promotus, sed
etiam promouens puniēdus; ita quidem,
vt, si de negligentia eius constituerit, maxi-
mè si hominem insufficientis scientiæ, in-
honestæ vitæ, aut non legitimæ etatis ap-
probārit, proximam confirmationem im-
pendendi potestate careat; & à proprij be-
neficij perceptione suspendatur, quamdiu
Superiori (qui suspensionem intulit) vi-
sam fuerit. Sinautem per malitiam, seu
dolum conuictus fuerit indignum confir-
masse, grauitis puniendus est, (Superioris
arbitrio, quia hic pœna nō determinatur)
sed & Episcopi ad sacros ordines & ec-
clesiasticas dignitates promouere debent
huiusmodi personas, quæ commissum sibi
officium dignè possint adimplere; ne &
ipsi canonicae subsint vltioni. Porro Præ-
lati, qui Rom. Pontifici immediatè subie-
cti sunt, ij personaliter (si commodè fieri
possit) conspectui eius se præsentent ad
confirmationem accipiendam, aut perso-
nas idoneas mittant, per quas Pontifex de
electione & persona electa edoceri possit.
Veruntamen his, qui ab Urbe valde remo-
ti sunt, videlicet Italiā constituti, si in
concordia electi sint, dispensatiū, propter
necessitates & utilitates ecclesiarum, per-
mittitur interim administratio in spiri-
tualibus & temporalibus; ita tamen vt de
rebus ecclesiasticis nihil penitus alienent:
Munus autem benedictionis seu conser-
cationis accipient, sicuti antea consue-
runt.

SUMMARIUM.

1. Superior electum ad prelaturam ante-
quam confirmet, examinare deberet for-
mam seu processum electionis, & per-
sonam electam, præcipue circa scien-
tiam eius, mores, & aratem.
2. Confirmans per negligentiam indignum
ad prelaturam electum, ipso iure perdit
potestatem confirmandi primum succe-
sorem, & à beneficio est suspendens.
Confirmans autem per malitiam, gra-
uius puniri debet.

T y

3. Qui